

吳伯雄
編

陳壽祺全集

10



廣陵書社

陳壽祺全集

 廣陵書社

第十冊

魯詩遺說考 六卷（卷四至卷六）清陳壽祺撰 清陳喬樞述……………

魯詩遺說攷卷第四

四之二

福州陳壽祺學

男喬樞述

魯詩小雅四

節

喬樞謹案三家皆止以節標目大戴禮引式夷式已二語盧辯注云此小雅節之四章盧蓋据三家亦也左傳昭二年季武子賦節之卒章亦止稱節惟毛詩述南山爲文耳

國既卒斬何用不監

補潛夫論愛日篇詩云國既卒斬何用不監傷三公居

人尊位食人重祿而曾不肯察民之盡瘁也

喬樅謹案賈難篇又引此詩二語文同

天方薦瘥喪亂宏多民言無嘉惜莫懲嗟

補荀子富國篇詩曰天方薦瘥喪亂宏多民言無嘉惜
莫懲嗟

喬樅謹案說文田部嗟殘歲田也詩曰天方薦嗟

今本說文作嗟殘田也玉篇田部同歲字段氏掃集韻類篇補之說文於詩兼採

三家此所引詩作薦嗟字與毛殊而殘歲田之訓

與董子言詩人刺爭田之訟合蓋本齊詩也荀子

富國篇引此詩上文有非闕而日爭句亦足與董

子爭田之說相證明然則荀子書瘞字殆亦嗟之
假借歟

尹氏大師惟周之底秉國之均四方是維天子是毗俾民
不迷

補荀子宥坐篇詩曰尹氏大師維周之氏秉國之均天
于是庠卑民不迷是以威厲而不試刑錯而不用今之
世則不然亂其教繁其刑其民迷惑而墮焉則從而制
之是以刑彌繁而邪不勝

補潛夫論志姓氏篇尹吉甫相宣王著大功績詩云尹
氏大師維周之底也

蔡邕集東鼎銘毗於天子

補說苑政理篇詩曰俾民不迷昔者君子導其百姓不使迷是以威厲而不至刑錯而不用也

喬樞謹案據潛夫論以此尹氏爲尹吉甫是此數語爲陳古刺今傷時師尹之不善其職也說苑引詩語與荀子大同子政採輯說苑稱述詩義皆本魯說故與荀合氏者底之假借庫者毗之假借卑者俾之假借穀梁隱二年注氏羌之別種釋文云氏本作底此氏底通假之驗毛詩釋文云是毗王本作埤卑民本又作俾案隋書律厯志作天子是

裨裨亦假借字卑民說苑作俾民從魯今文也

不弔昊天

蔡邕焦君贊昊天不弔

案又見蔡集太守胡君碑及崔君夫人誄

弗躬弗親庶民弗信

補淮南繆稱訓君子見善則痛其身焉身苟正懷遠易矣詩云弗躬弗親庶民弗信

補說苑反質篇齊桓公謂管仲曰羣臣衣服與馬甚汰吾欲禁之可乎管仲曰詩云不躬不親庶民不信君欲禁之胡不自親乎

喬樅謹案說苑引此詩弗皆作不古本攷文庶民
弗信弗亦作不

補高誘呂覽孟春紀注詩云弗躬弗親庶民弗信
卒勞百姓

補潛夫論敘錄公卿尹師卒勞百姓
駕彼四牡四牡項領我瞻四方蹙蹙靡所騁

補新序雜事篇詩云駕彼四牡四牡項領夫久駕而長
不得行項領不亦宜乎

補潛夫論三式篇詩云駕彼四牡四牡項領

補中論爵祿篇良農不患疆場之不脩而患風雨之不

節君子不患道德之不建而患時世之不過詩云駕彼四牡四牡項領我瞻四方蹙蹙靡所騁傷道之不過也豈一世哉

喬樅謹案中論語意與新序同皆本魯詩之義

嘉父作頌

蔡邕朱公叔諡議周有仲山甫伯陽父嘉父優老之稱也

案嘉父卽家父漢書古今人表嘉父與譚大夫寺人孟子並列中上知三家詩文並作嘉父也

式訛爾心以蕃萬邦

補陸賈新語術事篇詩云式訛爾心以蕃萬邦言一心

化天下而缺二國治此之謂也

喬樅謹案魯詩之學出自荀卿卿嘗仕楚陸賈亦爲楚人則其說詩當亦本之荀卿矣蓄毛詩作畜

正月

正月繁霜我心憂傷民之訛言亦孔之將

補淮南泰族訓逆天暴物則日月薄蝕五星失行四時干乖晝冥宵光山崩水涸冬雷夏霜詩云正月繁霜我心憂傷天之於人有以相通也故國危亡而天文變世惑亂而虹霓見萬物有以相連精祲有以相蕩也

漢書劉向上封事曰霜降失節不以其時其詩曰正月繁霜我心憂傷民之訛言亦孔之將言民以是爲非甚衆大也此皆不和賢不肖易位之所致也。張晏曰正月夏之四月純陽用事而反多霜急恒寒若之徵也

補白虎通災變篇天所以有災變何所以譴告人君覺悟其行欲令悔過脩德深思慮也霜之爲言亡也陽以散亡

補王逸楚詞九章注孔甚也詩曰亦孔之將

癘憂以疢

補爾雅釋故癘疢病也。舍人曰皆心憂憊之病也。

孫炎曰癡者畏之病也

釋文

喬樅謹案爾雅釋文云癡詩作鼠案鼠卽癡之假借毛詩古文作鼠三家詩今文作癡今毛詩云癡憂以痒此改從三家今文非毛氏之舊也兩無正詩鼠思泣血尙作鼠字可證

憂心痾瘵

補爾雅釋訓痾瘵病也

喬樅謹案爾雅此訓正釋詩語毛詩作愈愈者乃古文假借字魯詩今文從痾爲正

視天夢夢

補不足釋訓夢夢亂也。**孫炎**曰夢夢昏昏之亂也。詩
正義

喬樅謹案說文夢不明也不明卽昏義故孫云昏昏之亂也夢又通作芒文選陸士衡歎逝賦咨余今之方殆何視天之芒芒卽用正月詩民今方殆視天夢夢之語作芒者蓋齊詩之異文韓毛並同魯作夢毛詩釋文引韓詩夢夢惡貌也是其驗已謂天蓋高不敢不踰謂地蓋厚不敢不踰惟號斯言有倫有脊哀今之人胡爲虺蜴

補說苑敬慎篇孔子論詩至正月之六章悵然曰不達

時之君子豈不殆哉從上依世則廢道違上離俗則危
身世不與善而已獨由之則曰非妖則孽也是以桀殺
關龍逢紂殺王子比干故賢者不遇時常恐不終焉詩
曰謂天蓋高不敢不跼謂地蓋厚不敢不跼此之謂也

補後漢書李固傳夏門亭長曰居非命之世天高而不
敢跼地厚而不敢跼耳目適宜視聽口不可以妄言也
喬樅謹案杜喬傳云喬故掾陳留楊匡著故赤幘
託爲夏門亭吏守衛戶喪驅護蠅蟲知此亭長卽
楊匡也此所引詩云云意義並與說苑合

補張衡西京賦豈徒跼高天跼厚地而已哉。薛綜曰

跼偃僂也

蔡邕釋誨天高地厚而跼蹐之

喬樅謹案毛詩釋文局本又作跼局跼古今文之
異跼釋文引說文云小步也攷說文跼蹐兩引此
詩足部云跼小步也詩曰不敢不跼又走部云蹐
側步也詩曰謂地蓋厚不敢不蹐毛詩釋文跼下
不言蹐詩文異則作蹐者當是齊詩蹐跼古通說
文才部瘵古文瘵字可證也

補列女傳六詩云惟號斯言有倫有脊

執我仇仇

補爾雅 貌爾雅
釋文

補爾雅 釋訓 仇仇 誓誓 毀也。○舍人曰 仇仇 無倫理之
喬樅謹案 毛傳云 仇仇 猶誓誓也 爾雅 仇仇 敖敖
傲也 釋文云 敖敖 本又作誓 舍人本 傲作毀 今詳
舍人注 以誓誓爲衆口毀人 則作毀字者是仇仇
得訓爲毀者 攷禮記緇衣引此詩 執我仇仇 鄭君
注曰 持我仇仇 然不堅固 不堅固之義 與毀相近
仇仇爲毀 敗之毀 誓誓爲毀 謗之毀 尔正訓釋多
兼二義 如載謨食詐僞也 載謨之僞 義訓謀爲食
詐之僞 義訓詐謗 又台朕賁 界予也 台朕之予 義